

UGOVOR

Nabavka komunikacijske opreme

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sc. doc. prim. spec. dr. Samir Turković

Mibo Komunikacije d.o.o. ul. Tvornička br.3 (u daljem tekstu Dobavljač) kojeg zastupa direktor, Marko Boštjančič

PREDMET UGOVORA

Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem konkurentskog zahtjeva za nabavku „Komunikacijske opreme“ za potrebe Zavoda zdravstvenog osiguranja Kantona Sarajevo, objavljenom na portalu EJN broj:814-7-1-28-3-18/18 od 24.05.2018. godine, a u skladu sa Odlukom o izboru najpovoljnijeg ponuđača broj: 03-08-DŽ.K.-11127-OI/18 od 14.06.2018. godine, ponudom Dobavljača broj: PON-978/18 od 11.06.2018. godine i tenderskom dokumentacijom broj 03-08-DŽ.K.-11127-TDKZ/18 koji čine sastavni dio ovog ugovora.

Član 2.

Predmet ugovora je nabavka „Komunikacijske opreme“ za potrebe Zavoda zdravstvenog osiguranja Kantona Sarajevo što uključuje sljedeće:

R.br.	Vrsta predmeta nabavke	Naziv predmeta nabavke
Komponenta 1.	Usluga	Godišnja garancija „CISCO SmartNet extended service“
Komponenta 2.	Roba	Nabavka nove opreme

OBAVEZE UGOVORNIH STRANA

Član 3.

Dobavljač se obavezuje Ugovornom organu pružiti uslugu iz 1. komponente predmeta ugovora i dostaviti robu iz druge komponente predmeta ugovora prema datom opisu ispod, u skladu sa zahtjevima preciziranim u ovom ugovoru, na način i u rokovima regulisanim ovim ugovorom i ponudom dobavljača.

Komponenta 1: Nabavka usluge godišnje garancije „CISCO SmartNet extended service“ za sljedeću komunikacijsku opremu:

R.br.	P/N	SN
1.	WS-C3560X-24T-S	FDO1642X1WV
2.	WS-C3560X-24T-S	FDO1534R0UV
3.	WS-C2960S-48LPS-L	FOC1607W511
4.	WS-C2960S-24PS-L	FOC1607Y41U

5.	WS-C2960S-24PS-L	FOC1607Y420
6.	WS-C2960S-24PS-L	FOC1607Y41F
7.	CISCO2921/K9	FCZ16127034
8.	WS-C3560X-24T-S	FDO1722H16L
9.	WS-C3560X-24T-S	FDO1725H32C
10.	WS-C3560X-24T-S	FDO1611V0S7
11.	WS-C3560X-24T-S	FDO1606Z0KV
12.	UCS-FI-6248UP	SSI1719007Y
13.	UCS-FI-6248UP	SSI1718010H
14.	UCS-FI-6248UP	SSI16450DQA
15.	UCS-FI-6248UP	SSI16450DQD

Komponenta 2: Nabavka nove opreme:

P/N	Opis	Količina
C1111-8P	<p>Cisco 1000 Series Integrated Services Routers, sa uključenim svim potrebnim hardverskim i softverskim komponentama i SmartNet garancijom, za punu funkcionalnost uključujući:</p> <ul style="list-style-type: none"> • SL-1100-8P-SEC(=) IP Base + Advanced Security: Zone-based firewall, IPsec VPN, EzVPN, Dynamic Multipoint VPN (DMVPN), FlexVPN. • ISR-1100-POE4(=) 1100-8P with 125W PSU (4 PoE or 2 PoE+). • ACS-1100-RM-19(=) Rack-mount kit for all 1100 Series ISRs. • SL-1100-8P-APP(=) Application Experience (APP) IP Base + advanced networking protocols: L2TPv3, BFD, MPLS, VRF, VXLAN (bandwidth less than 100 Mbps).CAB-ETH-S-RJ45 (Cable for Ethernet, Straight-through, RJ-45, 6 feet) • SL-1100-8P-IPB IP Base (default) Routing protocols. ACL, NAT, QoS, BFD. • AC input voltage: Universal 240 VAC. Frequency: 50 to 60 Hz. 	2
WS-C2960X-48LPS-L	<p>Catalyst 2960-X 48 GigE PoE 370W, 4 x 1G SFP, LAN Base switch, sa uključenim svim potrebnim hardverskim i softverskim komponentama i SmartNet garancijom, za punu funkcionalnost uključujući:</p> <ul style="list-style-type: none"> • SNTC-8X5XNBD Catalyst 2960-X 48 G • AC Power Cord (Europe), C13, CEE 7, 1.5M 	3
SFP-H10GB-CU3M	Cisco SFP-H10GB-CU3M Compatible 10G SFP+ Passive Direct Attach Copper Twinax Cable 3m sa podržanim protokolima: InfiniBand QDR, DDR, SDR, 10G Gigabit Ethernet, Fibre Channel	4
Usluga instalacije	<p>Potrebno je instalirati iznad navedenu novonabavljenu opremu: C1111-8P (Branch router-i) i WS-C2960X-48LPS-L (48-portni gigabitni svičevi).</p> <ul style="list-style-type: none"> • C1111-8P branch ruteri trebaju zamjeniti postojeće branch rutere u poslovnicama Zavoda i usluga instalacije mora uključiti i konfigurisanje novih rutera prema konfiguracijama postojećih rutera u datim poslovnicama i puštanje u rad sa punom funkcionalnošću. • Instalacija i puštanje u rad 3 novonabavljena 48-portna gigabitna sviča odnosno proširenje postojećih kapaciteta Zavoda treba biti na lokaciji centrale Zavoda 	

Član 4.

Dobavljač se obavezuje da će obezbijediti uslugu iz komponente 1. predmeta ovog ugovora, davanja godišnje garancije „CISCO SmartNet extended service“ pod sljedećim uslovima tj. da će pružiti SmartNet uslugu koja treba da sadrži:

- zamjenu hardvera na principu 8x5xNBD,
- da obezbijedi pristup Cisco TAC servisu (Technical Assistance Center) za konsultacije, SelfHelp support i slično,
- da obezbijedi update softvera za vrijeme trajanja SmartNet garancije

Garancija koja se nabavlja će trajati godinu dana, sa početkom od dana aktiviranja.

Rok za aktiviranje usluge iz komponente 1. je do 10 (deset) dana od dana dostavljene narudžbenice.

Dobavljač se obavezuje da će dostaviti robu iz komponente 2. i pružiti pripadajuću uslugu instalacije na način da će obezbijediti posebne uslove kako slijedi:

- Ukoliko je do trenutka nabavke proizvođač promijenio ili dodao bilo koju materijalnu ili nematerijalnu komponentu ili to u tehničkim specifikacijama nije navedeno a neophodno je za punu funkcionalnost nabavljene robe (npr. kablovi i sl.), potrebno je to uključiti u ponudu.
- Potvrda proizvođača da ponudjaci ima aktivni partnerski status sa proizvođačem
- Garancija na svu novonabavljenu opremu (CISCO C1111-8P branch ruteri i CISCO WS-C2960X-48LPS-L svičevi) mora biti 3 godine.
- Oprema mora biti pod aktivnom SmartNet podrškom proizvođača u periodu garancije
- Autorizaciju proizvođača da je ovlašten da tudi i instalira navedenu opremu
- Najmanje jedno uposljeno ili ugovorno angažirano (u periodu trajanja ugovora) stručno i certificirano lice koje posjeduje minimalno CISCO CCNA certifikat

Robe koje su predmet ugovora (Komponenta 2.) Dobavljač je dužan dostaviti Ugovornom organu u roku od 21 (dvadesetjedan) dan od dana dostavljene narudžbenice.

Član 5.

Ugovorni organ se obavezuje da prihvati pružene usluge i dostavljene robe ukoliko iste odgovaraju ugovorenim, te da plati ugovorenu cijenu na način i u rokovima određenim tenderskom dokumentacijom broj: 03-08-DŽ.K-11127-TDKZ/18, ponudom dobavljača i ovim ugovorom.

Član 6.

Ugovorni organ se obavezuje da će obezbijediti sve potrebne informacije Dobavljaču, te omogućiti nesmetan pristup mjestu izvršenja ugovora.

Dobavljač je upoznat i prihvata da svi podaci i informacije (u bilo kojoj formi: pisanoj, usmenoj, elektronskoj i sl.) koje mu dostavi Ugovorni organ, kao i saznanja koja stekne Dobavljač (ili njegovi uposljenici) o Ugovornom organu, njegovim zaposlenicima i njegovom poslovanju, predstavljaju strogo

poštenjive podatke i poslovnu tajnu), te da iste ne smije ni pod kojim okolnostima stavljati na raspolaganje trećim licima, bez prethodne pismene saglasnosti Ugovornog organa. Rok tajnosti podataka je trajan.

Član 7.

Cijena nabavke usluga i roba koje su predmet ovog ugovora iznosi **39.506,30 KM bez PDV-a**, odnosno **46.222,37 KM sa PDV-om**, prema tabelarnom pregledu:

Redni broj	Naziv artikla	Šifra/Količina	Jedinična cijena bez PDV-a	Ukupna cijena bez PDV-a
1	WS-C3560X-24T-S	FDO1642X1WV	471,20	471,20
	WS-C3560X-24T-S	FDO1534R0UV	471,20	471,20
	WS-C2960S-48LPS-L	FOC1607W511	612,40	612,40
	WS-C2960S-24PS-L	FOC1607Y41U	348,70	348,70
	WS-C2960S-24PS-L	FOC1607Y420	348,70	348,70
	WS-C2960S-24PS-L	FOC1607Y41F	348,70	348,70
	CISCO2921/K9	FCZ16127034	936,50	936,50
	WS-C3560X-24T-S	FDO1722H16L	471,20	471,20
	WS-C3560X-24T-S	FDO1725H32C	471,20	471,20
	WS-C3560X-24T-S	FDO1611V0S7	471,20	471,20
	WS-C3560X-24T-S	FDO1606Z0KV	471,20	471,20
	UCS-FI-6248UP	SSI1719007Y	1.035,90	1.035,90
	UCS-FI-6248UP	SSI1718010H	1.035,90	1.035,90
	UCS-FI-6248UP	SSI16450DQA	1.035,90	1.035,90
UCS-FI-6248UP	SSI16450DQD	1.035,90	1.035,90	
Ukupna cijena godišnje garancije „CISCO SmartNet extended service“ za postojeću opremu za Komponentu 1				9.565,80
2	CI111-8P	2 kom	2.772,10	5.544,20
	WS-C2960X-48LPS-L	3 kom	7.411,30	22.233,90
	SFP-H10GB-CU3M	4 kom	140,60	562,40
	Usluga instalacije	1	1.600,00	1.600,00
Ukupna cijena za Komponentu 2				29.940,50
Ukupna cijena bez PDV-a				39.506,30
Popust				0,00
Ukupna cijena sa popustom bez PDV-a				39.506,30
PDV na cijenu ponude (sa uračunatim popustom)				6.716,07
Ukupna cijena sa PDV-om				46.222,37
Ukupna cijena sa PDV-om riječima: četrdesetšesthiljaddvjestotinedvadesetdva i 37/100				

Dobavljač se obavezuje da će usluge i robe iz stava 2. ovog Ugovora pružiti po ovoj ukupnoj cijeni u kojoj je uračunat PDV, i svi drugi zavisni troškovi.

Član 8.

Cijenu iz Člana 7. ovog ugovora Ugovorni organ će isplatiti u roku do 60 dana računajući od dana dostavljene ispravne fakture dobavljača, za pružene usluge i isporučene robe.

Član 9.

Usluge koje su predmet ugovora (komponenta 1.) Dobavljač je dužan aktivirati u roku do 10 (deset) dana od dana dostavljene narudžbenice.

Robe koje su predmet ugovora (komponenta 2.) Dobavljač je dužan dostaviti Ugovornom organu u roku od 21 (dvadesetjedan) dan od dana dostavljene narudžbenice.

Član 10.

Mjesto isporuke robe / pružanja usluge su prostorije Ugovornog organa u Sarajevu, na adresi Ložionička broj 2.

Prijem robe će se izvršiti uz sačinjavanje zapisnika.

Ukoliko se ustanovi da roba koja bude isporučena od strane dobavljača ima oštećenja ili je dostavljena bez originalnog pakovanja, ista će biti vraćena dobavljaču / zamijenjena sa ispravnom robom.

Ukoliko se nakon prijema robe uoče nedostaci koji nisu mogli biti uočeni prilikom primopredaje robe, primljena roba će biti vraćena dobavljaču uz obavezu istog da u roku do 21 dan izvrši dostavljanje ispravne robe.

GARANCIJA ZA DOBRO IZVRŠENJE UGOVORA

Član 11.

Dobavljač se obavezuje dostaviti Ugovornom organu garanciju za dobro izvršenje ugovora u vidu bezuslovne originalne bankarske garancije prvoklasne poslovne banke, u roku od petnaest (15) dana od dana obostranog potpisivanja ugovora.

Iznos garantnog depozita će biti plativ Ugovornom organu kao kompenzacija za bilo koji gubitak koji bi bio prouzrokovan ako Dobavljač ne uspije da izvrši svoje obaveze po ovom ugovoru.

Visina garantnog depozita je 10 (deset) % od ugovorene vrijednosti bez PDV-a i biće iskazana u valuti ugovora ili u konvertibilnoj valuti prihvatljivoj od strane Ugovornog organa, sa rokom važnosti, vrijeme trajanja ugovora plus 60 (šezdeset) dana.

Ako Izvođač ne dostavi garanciju za dobro izvršenje ugovora u roku iz stava 1. ovog člana, ugovor se smatra apsolutno ništavim.

Član 12.

Dobavljač ima pravo na produženje ugovornog roka ako je u izvršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

NAKNADA ŠTETE

Član 13.

Ako Dobavljač zakasni sa izvršenjem isporuke robe ili pružanjem usluge, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

Ako Dobavljač zakasni sa izvršenjem isporuke robe ili pružanjem usluge iz razloga koji nisu obuhvaćeni članom 12. ovog Ugovora, Ugovorni organ će Dobavljaču zaračunati penale u iznosu od 1 % od vrijednosti neisporučene robe/usluge za svaki dan kašnjenja.

Član 14.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

Iznos obračunatih penala po osnovu zakašnjenja u ispunjenju ugovornih obaveza i naknade prouzrokovane štete iskazane kroz novčano potraživanje, međusobno se ne isključuju.

PRESTANAK UGOVORA

Član 15.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

Član 16.

Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvršava ugovorne obaveze
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora.
- ako je zaostajanje u izvršenju usluge ili isporuci robe koje su predmet ugovora takvo da može dovesti u pitanje izvršenje ugovora.

Zbog zaostajanja u izvršenju isporuke robe ili pružanju usluge, Ugovorni organ može raskinuti ugovor samo ako je do zaostajanja došlo krivicom Dobavljača.

Ukoliko se ugovor raskine zbog krivice Dobavljača, prije izvršenja ugovornih obaveza, Dobavljač je u obavezi platiti Ugovornog organu štetu u iznosu od 40 % od ukupne ugovorene cijene iz člana 7. ovog Ugovora.

Član 17.

Ugovorni organ će raskinuti ugovor sa Dobavljačem ukoliko se ustanovi da ponudena roba/usluga koja je zadovoljila zahtjeve u ponudi, nije jednaka isporučenoj robi/pruženoj usluzi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skruvljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 1 % za svaki dan kašnjenja u plaćanju.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 18.

Garancija za komponentu 1. „Godišnja garancija „CISCO SmartNet extended service“ koja je predmet ovog ugovora iznosi 1 (jednu) godinu, računajući od momenta aktivacije garancije.

Garancija za komponentu 2. „Nabavka nove opreme“ koja je predmet ovog ugovora iznosi 3 (tri) godine.

Rok za otklanjanje kvarova ili isporuka novog predmeta nabavke je do 7 dana od dana obavijesti o reklamaciji.

Član 19.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 20.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 21.

Za sve ono što nije regulisano ovim ugovorom primjenjuju se vaužeci propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 22.

Ovaj Ugovor se potpisuje na period od jedne (1) godine, od dana obostranog potpisivanja:

Ukoliko ugovorne strane ne potpišu Ugovor na istovjetan datum, danom stupanja na snagu ovog Ugovora ima se smatrati kasniji datum potpisa.

Član 23.

Sastavni dio ovog ugovora su:

- Tenderska dokumentacija broj: 03-08-DŽ.K.-11127-TDKZ/18
- Odluka o izboru broj:03-08-Dž.K.-11127-OI-I/18 od 14.06.2018. godine
- Prihvaćena ponuda Dobavljača broj: PON-978/18 od 11.06.2018. godine

Član 24.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ

MIBO KOMUNIKACIJE D.O.O.

Marko Bošnjak

Broj: 150/18

Datum: 5.07.2018

UGOVORNI ORGAN

ZAVOD ZDRAVSTVENOG OSIGURANJA

Samir Turković

Broj: 03-08-Dž.K.-11127-UG/18

Datum: 25.06.2018. godine